

Forum Beneficiale, Sive Quæstiones & Responsa Canonica

Materiam De Beneficiis Universam Ex Beneficialistarum tam antiquorum,
quàm recentiorum placitis complectentia. Opus methodo novâ, & clarâ in
tres digestum Partes ... accuratè, ac copiosè instructae

De Provisione Et Obtentione Beneficiariorvm

Leuren, Peter

Coloniæ Agrippinæ, 1704

187. An canonicè institutus, etiam verbaliter solum, statim capere possit
possessionem, administrare, &c.
-

[urn:nbn:de:hbz:466:1-74485](#)

nem bireti, vel quid simile, id institutioni, quā tali est per accidens.

Questio 187. Num canonice institutus, etiam verbaliter solum, statim capere possit possessionem, administrare, & jura beneficio suo competentia exercere?

Respondeo ad hoc respondendum infra, ubi de possessione beneficii.

Questio 188. Num, si quis praesentatus semel coram Episcopo, & dein coram alio inferiore ab eodem patrono, eo quod is verisimiliter putavit pertinere instituere ad inferiorem, ad quem tamen re ipsa non spectat, possit regredi ad priorem presentationem, & vi illius validè institui?

Respondeo: posse talem juvari ex priore valida presentatione, ob probabilem errorem facti circa jus singulare, & hoc supposito, non arctari praesentatum alterutram presentationem eligere, sed posse utramque prosequi. Lott. l.2. q.13. n.89. & seq. eo quod licet remittentibus jus suum non detur regressus; hoc tamen semper intelligatur, nisi remittens esset aliquo modo excusabilis; sicut in simili, licet in judiciis non permittatur variatio circa actionem, ea tamen adhuc conceditur, dum quis justo errore incomptenter actionem elegisset. Lott. num. 92. & seq. Sed neque obstat videtur textus c. ut quis duas. de elect. in 6. ubi dicitur habentem duas electiones in eadem Ecclesia, non posse nisi unam prosequi, petendo illius confirmationem, adeoq; compellendum eligere alterutram, ne cum ipius Ecclesia vel adversarii sui, si quem habet, discrime incerto vagetur (quippe dum petitio vagatur in incerto, si sub ea obtineatur confirmation vel institutio, hanc quoque erit super incerto) unde sequitur, per optionem factam de una electione prosequenda ita extinguit effectum alterius, ut ad eam non detur regressus: nam id applicari nequit terminis presentationis & institutionis; dum enim quis duas haberet presentationes, five ab uno, five a duobus patronis coram diversis praetenditibus ius instituendi sit, ut licet utramque quis promoveat, eo ipso tamen quod eas non promovet, coram uno eodemque habente instituere, sed singulas singulariter coram singulis institutoribus, prorsus cellet illa ratio incertitudinis, atq; ita dispositio citati textus. Lott. a num. 69. sed & ut per electionem unius viae precludatur altera, seu recessus ad alteram, requiritur, ut isti electio fieri debeat juris necessitate, & non sit pure in simplici arbitrio alij cuius, uti, quod ipse velit, via; necessitas enim electionis, que consumit optionem, differt ab ipsi potestare eligendi: cum hec oriatur ex mera voluntate, ista ex facto extrinseco jubentibus; Item, ut deaegetur regressus, requiritur, rem defuisse esse integrum; uti sit, dum per electionem unius viae queritur alterius ius respectu alterius; cestant autem hanc omnia in praesenti controversia prosecutionis plurium presentationum; cum nullibi injecta sit haec necessitas eligendi unam viam a iure aut iustione alterius, neque per talem optionem alicuius resspectu alterius.

Lott. a num. 105.

* *

P. Leuren. Fori Benef. Tom. II.

Questio 189. Intra quod tempus fieri debet institutio?

1. R espondeo primò: à jure communi nullum præfixum esse tempus institutori ad institendum, tradit Corrad. l.4. c.7. num. 11. Lott. cit. q. 13. num. 59. citans Abb. cons. 28. num. 2. p. 2. & aliquot Rotæ decisi, non debere tamen aquod longius protrahi institutionem; quin &c, dum nihil obstat, quod superiorē à facienda sententia institutionis retrahat, omnibus probatis teneri illum eam ferre, & compilato processu statim praesentatum instituere, ait ibid. Corrad. (quamvis ibid. num. 26. dicat, remanere in arbitrio superioris, au velit statim probatis omnibus de jure requisitis instituere praesentatum, nec ne; cum ei non sit tempus statutum ad institendum, sicuti est patrono ad praesentandum) Item ex Rocho. v. honorificum. q. 25. num. 55. & Abb. in c. 2. de concess. prob. quod habens instituere non habet tempus prolixum, sicut is, qui habet conferre; cùm institutio fiat de persona praesentata; unde nihil superest superiori faciendum, nisi praesentatum examinare. Concedere nihilominus semestre institutori videtur Castrop. loc. cit. p. 5. n. 8. dum ait, non posse eum ultra semestre prorogare institutionem, quin ea devolvatur ad Superiorem.

2. Notandum etiam, quod Castrop. de benef. d. 3. p. 4. num. 10. ait, institutionem beneficiorum jurispatronatus non esse faciendam durante termino concessio patronis ad praesentandum, eo quod durante illo tempore possit forte alius patronus apparere, & presentationem facere, cui juri derogandum non est; praterquam quod patroni laici possint durante quadrimestri variare; quare si de facto continget presentationem ante lapsum quadrimestre vel semestre fieri, & illa facta novus appareret patronus, & poterit revocari, revocanda esset.

3. Respondeo secundò: solere quandoque fundatores in fundatione praesigere certum terminum, intra quem institutio debet praesentandus: Item in Dataria Apostolica concedi quandoque solent exceptiones beneficiorum cum reservatione jurispatronatus adjecta temporis, etiam parvi, præfinitione ad institendum, qui terminus quantumcunque parvus servandus est, ne alias devolvatur institutio ad alium. Corrad. cit. num. 11. Interim patrono ius suum perire nequit ex quacunque procrastinatio ne institutoris. Lott. cit. num. 59. Non tamen licebit praesentato, quantumcunque institutor differat institutionem, si in beneficio ingerere ante ipsam institutionem, alijs omne ius sibi quæsumum per presentationem amitterit, & non evadit prius contentias in c. avaritia. de elect. in 6. quidquid aliqui quod ad hoc postremum dixerint in contrarium contra communiorum opinionem & praxin. Corrad. a. n. 13.

Questio 190. Num institutio fieri possit diebus feriatis seu festiis, vel etiam post obitum praesentantium?

1. R espondeo ad primum affirmativè: cùm si miles actus provisivi sint extrajudiciales, Lott. cit. q. 13. num. 85. citans Gemin. in c. concertationi. de appell. in 6. num. 3.

2. Respondeo ad secundum etiam affirmativè: idque verum, etiamli jam alii patroni successerint.

Corrad. cit. q. 7. n. 23. citans Vivian. l. 12.

c. 5. num. 35.

H 3

Questio